

四庫全書

集部

欽定四庫全書

唐詩拾遺卷五

明高棟編

五言律詩上

王勃

山居晚眺贈王道士

金壇踈俗宇玉洞似仙羣  
花枝栖晚露峯葉度晴雲  
斜照移山影迴沙擁籀文  
琴尊方待興竹樹已迎曛

楊炯

紫騮馬

俠客重周遊，金鞭控紫騮。  
蛇弓白羽箭，鶴轡赤茸鞦。  
發跡來南海，長鳴向北州。  
匈奴今未滅，畫地取封侯。

盧照鄰

梅花落

梅嶺花初發，天山雪未開。  
雪去疑花滿，花遶似雪迴。  
因風入舞袖，雜粉向粧臺。  
匈奴幾萬里，春至不知來。

辛司法宅觀妓

南國佳人至北堂  
羅薦開長裙隨鳳管  
促柱送鸞杯  
雲光身後落雪態  
掌中回到愁金谷  
晚不怪玉山頽

李嶠

和周記室從駕晚發合璧宮

濯龍春苑曙  
翠鳳曉旗舒  
野色開烟後  
山光澹月餘  
風長笳響咽  
川迴騎行疎  
珠履陪山駕  
金聲動屬車

晚景悵然簡二三子

楚客秋悲動梁臺夕望賒梧桐稍下葉山桂欲開花氣  
影迎寒露光收向晚霞長歌白水曲空對綠池華

和杜學士江南初霽羈懷

大江開宿雨征棹下春流霧卷晴山出風恬晚浪收岸  
花明水樹川鳥亂沙洲羈眺傷千里勞歌動四愁

此篇與韋

承慶浮江旅思詩後  
四句同而少異矣

詠桂

未植銀宮裏寧移玉殿幽枝生無限月花滿自然秋俠

客條為馬仙人葉作舟願君期道術攀折可淹留

劉友賢

奉和晦日高文學置酒林亭

春來日漸賒琴酒逐年華欲向大通徑先經武子家池  
碧新流滿巖紅落照斜興闌情未盡步步惜風花

駱賓王

同張二詠鴈

淒淒滄江遠銜蘆紫塞長霧深迷曉景風急斷秋行陣

照通宵月書封幾夜霜無復能鳴分空知愧稻粱

樂大夫挽歌二首

蒿里誰家地松門何代丘百年三萬日一別幾千秋反  
照寒無影窮泉凍不流居然同物化何處欲藏舟

一旦先朝菌千秋揜夜臺青烏新兆去白馬故人來草  
露當春泣松風向夕哀寧知荒壠外弔鶴自徘徊

陳子昂

晦日高文學置酒林亭

尋春遊上路，追宴入山家。  
主第簪纓滿，皇州景望華。  
玉池初吐溜，珠樹始開花。  
歡娛方未極，林閣散餘霞。

宋之問

幸少林寺應制學置酒林

紺宇橫天室，迴鑾指帝休。  
曙陰迎日盡，春氣抱岳流。  
空樂繁行漏，香烟薄綵旒。  
玉膏從此汎，仙馭接浮丘。

宿清遠峽山寺

香岫懸金刹，飛泉界石門。  
空山唯習靜，中夜寂無喧。  
說



法初聞鳥看心欲定  
猿寥寥渴塵事何異武陵源

遊韶州廣果寺

景殿臨丹壑香臺隱翠霞  
巢飛含象鳥砌蹋雨空花  
寶鐸搖初霽金池映晚沙  
莫愁歸路遠門外有三車

使往天平軍約與陳子昂  
新鄉為期及還而不相遇

入衛期之子于嗟不少留  
情人去何處洪水日悠悠  
恒碣青雲斷衡漳白露秋  
知君心許國不是愛封侯

寄天台司馬道士

卧來生白髮  
覽鏡忽成絲  
遠愧餐霞子  
童顏且自持  
舊遊惜踈曠  
微尚日磷磳  
不寄西山藥  
何由東海期

送田道士使蜀投龍

風馭忽冷然  
雲臺路幾千  
蜀門峯勢斷  
巴字水形連  
人隔壺中地  
龍遊洞裏天  
贈言回馭日  
圖畫彼山川

沈佺期

奉和送金城公主適西蕃應制

金牒扶丹掖銀河屬紫閣那堪將鳳女還似嫁烏孫王  
就歌中怨珠辭掌上恩西戎非我王明主至公存

答寧峻州書

書報天中赦人從海上聞九皋開白日六翮起青雲質  
幸恩先貸情孤枉未分自憐涇渭別誰與奏明君

魏元忠

侍宴梁王宅應制

大君敦宴賞萬乘下梁園酒助閒平樂人霑雨露恩榮

光開帳殿佳氣滿旌門願陪南嶽壽長奉北辰尊

鄭愔

陪幸昭容院獻詩三首

地軸樓居遠天台關路賒何如遊帝宅即此對仙家  
座拂金壺電池搖玉酒霞無因秦漢隔別訪武陵花

宮掖賢才重山林高士難不言辭輦地更有結廬歡  
池棟清溫煥巖牕起沍寒幽亭有仙桂聖主萬春看

槎流天上轉茅宇禁中開河鵲填橋至山熊避檻來庭

花採葉蓊巖石步莓苔願奉興圖泰長聞錦翰裁

奉和送金城公主適西蕃應制

下嫁戎庭遠和親漢禮優笳聲出虜塞簫曲背秦樓貴  
主悲黃鶴征人怨紫騮皇情眷億兆割念俯懷柔

張易之

侍從過公主尚宅侍宴探得風字應制

逐賞平陽第鳴笳上苑東鳥鳴千戶竹蝶舞萬花叢時  
攀小山桂共挹大王風坐客無勞起秦簫曲未終

蕭至忠

九日侍宴應制

望幸三秋暮登高九日初  
朱旗巡漢苑翠蓋俯秦墟  
寵極萸房遍恩深菊酎餘  
承歡何以答萬億奉宸居

奉和九月九日登慈恩寺浮圖應制

天蹕三乘啟星輿六轡行  
登高凌寶塔目極徧王城  
神衛空中遶仙歌雲外清  
重陽千萬壽率舞頌昇平

周利用

奉和九月九日登慈恩寺浮圖應制

出豫乘金節飛文煥日宮  
莫房開聖酒榛苑被玄功  
塔向三天迴池收八解空  
叨恩奉蘭籍終愧洽薰風

閻朝隱

九日侍宴應制

得筵字

九九待神仙高高坐半天  
文章二曜動氣色五星連  
簪綬趨星極笙歌接御筵  
願因汎菊酒相守百千年

于經野

奉和九日侍宴應制

得持字

御氣三秋節登高九曲門  
桂筵羅玉俎菊醴溢芳樽  
渚歸鴻度水雲舞鶴騫微臣  
濫陪賞空荷聖明恩

武平一

侍宴安樂公主新宅應制

紫漢秦樓敞黃山魯館開  
簪裾分上席歌舞列平臺  
馬既如龍至人疑學鳳來  
幸忻聯棣萼何以接鄒枚

奉和金城公主適西番應制



應化三邊靜通姻四海安還將膝下愛時副域中歡聖  
念飛玄藻仙儀下白蘭日斜征蓋沒歸騎動鳴鑾

徐彥伯

奉和金城公主適西蕃應制

鳳扆憐蕭曲鸞閨念掌珍虜庭遙築館漢策重和親星  
轉銀河夕花移玉樹春聖心悽送遠留蹕望征塵

崔湜

奉和金城公主適西蕃應制

懷戎前冊備降女舊姻脩簫鼓辭家怨旌旃出塞愁尚  
孩中念切方遠御慈流顧乏謀臣用仍勞聖主憂

薛稷

奉和金城公主適西蕃應制

天道能殊俗深仁乃戢兵懷荒寄赤子忍愛鞠蒼生月  
下瓊娥去星分寶婺行關山馬上曲相送不勝情

馬懷素

奉和金城公主適西蕃應制

帝子今何去重姻適異方離情愴宸掖別路遶關梁望

絕園中柳悲纏陌上桑空餘願黃鶴東顧意迴翔

西域傳公

主歌曰願為黃鶴兮歸故鄉

李適

奉和九月九日登慈恩寺浮圖應制

鳳輦乘朝霽鶯林對晚秋天文貝葉寫聖澤菊花浮塔  
似神功過龕疑佛影留幸陪清漢蹕欣奉淨居遊

侍宴長寧公主東莊應制

鳳樓紆睿幸龍舸暢宸襟歌舞平陽第園亭沁水林  
山花添聖酒澗竹繞薰琴願奉瑤池駕千春侍德音

李乂

和人日晴暉閣宴羣臣

上月燈臺賞中天御輦飛後庭聯舞唱前席仰恩輝  
睿竹風雲起農祥雨雪霏幸陪人勝節長願奉垂衣

劉憲

七夕

秋吹過雙闕星仙動二靈更深移月鏡河淺度雲輶殿  
主徵方朔人間失武丁天文茲夜裏光映紫微庭

蘇頌

題壽安王主簿池館

洛邑通馳道韓郊在屬城館將花雨映潭與竹聲清賢  
俊鷺栖棘賓遊馬佩蘄願言隨狎鳥從此濯吾纓

張說

皇帝降誕日集賢殿賜燕

仲秋金帝起五日土行標瑞表壬寅露光傳甲子宵陰  
風吹大澤夢日照昌朝不獨華封老千年喜祝堯

奉和同王真公主過大哥山池應制

綠竹初成苑丹砂欲化金乘龍與驂鳳歌吹滿山林爽  
氣凝波迴寒光映浦深忘憂題此觀為樂賞同心

過庾信宅

蘭城追宋玉舊宅偶辭人筆涌江山氣文驕雲雨神包  
胥非救楚隨會返留秦獨有東陽守來嗟古樹春

和魏僕射還鄉

富貴還鄉國光輝滿舊林  
秋風樹不淨君子歎何深  
故老空懸劍鄰交日散金  
衆芳搖落盡獨有歲寒心

和使

江勢連山遠天涯此夜愁  
霜空極天靜寒月帶江流  
思起南征棹文高北望樓  
自憐如墜葉汎汎侶仙舟

南中贈高六戩

北極辭明代南溟宅放臣  
丹誠由義盡白髮帶愁新  
烏

墮炎洲氣花飛洛水春平生歌舞席誰憶不歸人

已上係初唐之詩

張九齡

春江晚景

江林皆秀發雲日復相鮮  
征路那逢此春心益渺然  
興來祇自得佳處莫能傳  
薄暮津亭下餘花落客船

送楊道士往天台

鬼谷還成道天台去學仙  
行應松子化留與世人傳  
此



地烟波遠何時羽駕旋當須一把袂城郭共依然

孫述

和常州崔使君詠後庭梅二首

聞唱梅花落江南春意深更傳千里外來入越人吟弱  
榦紅粧倚繁香翠羽尋庭中自公日歌舞向芳陰  
梅院重門掩遙遙歌吹遶庭深人不見春至曲能傳花  
落彈棋處香來薦枕前使君停五馬行樂此中偏

訓萬八賀九雲門寺歸溪中作

晚從靈境出林壑曙雲飛稍覺清溪盡迴瞻畫剎微獨  
園餘興在孤棹宿心違更憶登攀處天香滿袖歸

奉和崔司馬遊雲門寺

繫馬清溪樹禪門春氣濃香臺花下出講座竹間遶覺  
路山童引經行谷鳥從更言窮寂滅迴策上南峯

王灣

奉同賀監林月清酌

華月當秋滿朝軒假興同淨林新霽入窺院小涼通碎

影行筵裏搖花落酒中清宵照愁意併此助文雄

崔顥

王家少婦

一作古意

十五嫁王昌盈盈入畫堂自矜年最少復倚嬌為郎舞  
愛前溪綠歌憐子夜長間來鬪百草度日不成粧

岐王席觀妓

二月春來半王家日正長柳垂金屋暖花發玉樓香拂  
匣先臨鏡調笙更炙簧還將歌舞態只擬奉君王

益浩然

江上寄崔少府

春堤楊柳發憶與故人期  
草木本無意榮枯自有時  
山陰定遠近江上日相思  
不及蘭亭事空吟被楔詩

寄弟

獻策金門去承歡綵服違  
以吾一日長念爾聚星稀  
昏定須溫席寒多未授衣  
桂枝如已擢早逐鴈南飛

題惠上人房

帶雪梅初暖，含烟柳尚青。未窺童子偈，得聽法王經。  
會理知無我，觀空厭有形。迷心應覺悟，客思不遑寧。

次蔡陽館

日暮馬行疾，城荒人住稀。聽歌疑近楚，投館忽如歸。  
魯堰田疇廣，章陵氣色微。明朝拜嘉慶，須著老萊衣。

泊牛渚趁薛八船不及

星羅牛渚夕，風退鷁舟遲。浦溆常同宿，烟波忽間之。  
榜歌空裏失，船火望中疑。明發汎滄海，茫茫何處期。

送蘇六從軍

才有幕中畫而無塞上勲  
漢兵將滅虜王粲始從軍  
旌旆邊庭去山川地脉分  
平生一匕首感激贈夫君

送辛大

南國辛居士言歸舊竹林  
未逢調鼎用徒有濟川心  
予亦忘機者田園在漢陰  
因君故鄉去還寄式微吟

美人分香

艷色本傾城分香更有情  
髻鬟垂欲解眉黛拂能輕  
舞

學平陽態歌翻子夜聲春風狹斜道含笑待逢迎

賦得盈盈樓上女

夫婿久別離青樓空望歸粧成卷簾坐愁思懶縫衣燕  
子家家入楊花處處飛空牀難獨守誰為解金徽

王維

歸輞川作

谷口疎鐘動漁樵稍欲稀悠然遠山暮獨向白雲歸菱  
蔓弱難定楊花輕易飛東臯春草色惆悵掩柴扉

送張判官赴河西

單車曾出塞報國敢邀勲見逐張征虜今思霍冠軍沙  
平連白雪蓬卷入黃雲慷慨倚長劍高歌一送君

送丘為往廣州

宛洛有風塵君行多苦辛四愁連漢水百口寄隨人槐  
色陰清晝楊花惹暮春朝端肯相送天子繡衣臣

送崔興宗

已恨親皆遠誰憐友復稀君王未西顧遊宦盡東歸塞



潤山河淨天長雲樹微方同菊花節相待洛陽扉

送孫秀才

帝城風月好況復建平家玉枕雙文簾金盤五色瓜  
山中無魯酒松下飯胡麻莫厭田家苦歸期遠復賒

送孫二

郊外誰相送夫君道術親書生鄒魯客才子洛陽人  
祖席依寒草行車起暮塵山川何寂寞長望淚沾巾

遊李山人所居因題屋壁

世上皆如夢狂來或自歌問年松樹老有地竹林多樂  
倩韓康賣門容向子過翻嫌枕席上無那白雲何

待儲光義不至

重門朝已啟起坐聽車聲要欲聞清佩方將出戶迎晚  
鐘鳴上苑疎雨過春城了自不相顧臨堂空復情

恭懿太子挽歌二首

蘭殿新恩切椒宮夕思幽白雲隨鳳管明月在龍樓人  
向青山哭天臨渭水愁雞鳴常問膳今恨玉京留

西望昆池濶東瞻下杜平山朝豫章館樹轉鳳凰城五  
校連旗色千門疊鼓聲金環如有驗還向畫堂生

岑參

送韋侍御先歸京

得寬字

聞欲朝龍闕應須拂豸冠風霜隨馬去炎暑為君寒客  
淚題書落鄉愁對酒寬先憑報親友後月到長安

送崔員外入奏因訪故園

欲謁明光殿先趨建禮門仙郎去得意亞相正承恩竹

裏巴山道華間漢水源憑將兩行淚為訪邵平園

送襄州任別駕

別乘向襄州蕭條楚地秋江聲官舍裏山色郢城頭莫  
羨黃公蓋須乘彥伯舟高陽諸醉客唯見古時丘

陝州月城樓送辛判官入京

送客飛鳥外城頭樓最高尊前遇風雨牕裏動波濤謁  
帝向金殿隨身唯寶刀相思灞陵月祇有夢偏勞

祁四再赴江南別詩

萬里來又去三湘東復西  
別多人換鬢行遠馬穿蹄  
山驛秋雲冷江帆暮雨低  
憐君不解說相憶在書題

稠桑驛喜逢嚴河南中丞便別

得時字

駟馬映花枝  
人人來路窺離心  
且莫問春草自應知  
不謂青雲客猶思紫禁時

參忝西掖  
曾聯接

別君能幾日看取鬢

成絲

送王錄事却歸華陰王錄事自華陰尉受號州  
錄事參軍旬日却復舊官

相送欲狂歌其如此別何攀轅人共惜解印日無多仙  
掌雲重見關河路再過雙魚莫不寄縣外是黃河

送宇文舍人出宰元城

得陽字

雙鳬出未央千里過河陽馬帶新行色衣聞舊御香縣  
花迎墨綬柳拂銅章別後能為政相思淇水長

送王別倫應制授正字歸

當年最稱意數子不如君戰勝時偏許名高人共聞半  
天城北雨斜日灞西雲科斗皆成字無令錯古文

發臨洮將赴北庭留別

得飛字

聞說輪臺路連年見雪飛  
春風不曾到漢使亦應稀  
白草通疎勒青山過武威  
勤王敢道遠私向夢中歸

輪臺即事

輪臺風物異地是古單于  
三月無青草千家盡白榆  
書文字別胡俗語音殊  
愁見流沙北天西海一隅

高適

宋中別司功叔各賦一物

得商丘

商丘試一望隱隱帶秋天地與星辰在城將大路遷干  
戈悲昔事墟落對窮年即此傷離緒淒淒賦酒筵

同崔員外綦母拾遺九日宴京兆府李士曹

今日好相見羣賢仍廢曹晚晴催翰墨秋興引風騷絳  
葉擁虛砌黃花隨濁醪閉門無不可何事更登高

送崔功曹赴越

傳有東南別題詩報客居江山知不厭州縣復何如莫  
恨吳歛曲當看越絕書今朝欲乘興隨爾食鱸魚



別孫訢

離人去復留白馬黑貂裘屈指論前事停鞭惜舊遊帝鄉那可望旅館日堪愁誰念無知己年年睢水流

送裴別將之安西

絕域渺難躋悠然信馬蹄風塵驚跋涉搖落怨睽攜地出流沙外天長甲子西少年無不可行矣莫悽悽

賈至

送王員外赴長沙

攜手登臨處巴陵天一隅春生雲夢澤水溢洞庭湖共  
歎虞翻枉同悲阮籍途長沙舊卑濕今古不應殊

送夏侯參軍赴廣州

聞道衡陽外由來鴈北飛送君從此去書信定應稀雲  
海南溟遠烟波北渚微勉哉孫楚吏綵服正光輝

長沙別李六侍御

月明湘水白霜落洞庭乾放逐長沙外相逢路正難雲  
歸帝鄉遠鴈報朔方寒此別盈襟淚雍門不假彈

李頎

覺公院施鳥石臺

石臺置香飯齋後施諸禽童子亦知善衆生無懼心苔  
痕蒼曉露盤勢出香林錫杖或圍繞吾師一念深

祖詠

過鄭曲

路向滎川夕晴來望盡道細烟生水上圓月在舟中岸  
勢迷行客秋聲亂草蟲旅懷勞自慰浙浙有涼風

綦母潛

茅山洞口

華陽仙洞口半嶺拂雲看窈窕穿苔壁差池對石壇方  
隨地脉轉稍覺水晶寒未果變金骨歸來茲路難

過方尊師院

羽客北山尋草堂松徑深養神宗示集作法得道不知

心洞戶逢雙履寥天有一琴

一作禽

更登玄圃上仍種杏

成林

王昌齡

素上人影塔

物化同枯木，希夷明月珠。  
本來生滅盡，何者是虛無。  
一坐看如故，千齡獨向隅。  
至人非別有，方外不應殊。

沙苑南渡頭

秋霧連雲白，歸心浦溆懸。  
津人空守纜，村館復臨川。  
篷隔蒼茫雨，波通演漾田。  
孤舟未得濟，入夢在何年。

張均

江上逢春

離憂耿未和春慮忽蹉跎  
擇木猿知去尋泥燕獨過  
驚花翻霽日垂柳拂烟波  
激意屢怡賞無如鄉念何

賈彥璋

晚霽登汝南大雲閣

禪宮新雨歇香閣晚登臨  
邑樹晴光起川苗佳氣深  
水包城下岸雲細郢中岑  
自歎牽卑秩聊開望遠心

嚴公貺

題房公瑄漢州西湖

鳳池才未盡餘思  
鑿西湖珍木羅脩岸  
冰光映坐隅  
琴臺今寂寞  
竹島尚縈紆  
猶蘊濟川志  
芳名終不渝

已上係盛唐之詩

太宗皇帝

桃花

禁苑春暉麗  
花溪綺樹裝  
綴條深淺色  
點露參差光  
向日分千笑  
迎風共一香  
如何仙嶺側  
獨秀隱遙芳

孟浩然

登樟亭樓

水樓登一望，半出青林高。  
常幕英寮敞，芳筵下客叨。  
山藏伯禹穴，城壓伍胥濤。  
今日觀溟漲，垂綸欲釣鰲。

王維

與盧象集朱家

主人能愛客，終日有逢迎。  
貫得新豐酒，復開秦女箏。  
柳條疎客舍，槐葉下秋城。  
語笑且為樂，吾將達此生。



同崔興宗送瑗公

言從石菌閣新下穆陵關獨向池陽下白雲留故山綻  
衣秋日裏洗鉢古松間一施傳心法惟將戒定還

已上原係摘句今增入原詩

唐詩拾遺卷五

欽定四庫全書

唐詩拾遺卷六

明 高棟 編

五言律詩

中

錢起

歲初歸舊山訓寄皇甫侍御

欲知愚谷好，久別與春還。  
鶯暖初歸樹，雲晴却隱山。  
石田耕種少，野客性情閒。  
求仲應難見，殘陽且掩關。

送屈突司馬充安西書記

制勝三軍勁澄清萬里餘星飛龐統驥箭發魯連書海  
月低雲旆江霞入錦車遙知太阿劍計日斬鯨魚

送時暹避難適荆南

三歎把離袂七哀深我情雲天愁遠別豺虎擁前程駐  
馬戀攜手隔河聞哭聲相思昏若夢淚眼幾時明

送陳供奉恩勅放歸覲省

得意今如此清光不可攀臣心堯日下鄉思楚雲間楊

柳深歸棹芙蓉樓舊山採蘭兼衣錦何似買臣還

送上官侍御

執簡朝方下乘輅去不賒感恩輕遠道入幕比還家碣石春雲色邯鄲古樹花飛書報明主烽戍靜天涯

送柳道士

去世能成道遊仙不定家歸期千歲鶴行邁五雲車海上春應盡壺中日未斜不知相憶處琪樹幾枝花

送李判官赴桂州幕

欲知儒道貴縫掖見諸侯且感千金諾寧辭萬里遊鴈  
飛侵瘴遠桂水出雲流坐惜離居晚相思綠蕙秋

歲暇題茅茨

谷口逃名處歸來遂野心薄田供歲酒喬木待新禽溪  
路春雲重山厨夜火深桃源應漸好仙客許相尋

詠門上畫松上元王杜三相公

昔聞生澗底今見起毫端衆草此時沒何人知歲寒豈  
能裨棟宇且欲出門關只在丹青筆凌雲也不難

衡門春後

不厭晴林下微風處  
葛巾寧唯北窓客  
自謂上皇人叢  
篠輕新暑  
孤花占晚春  
寄言莊叟蝶  
與爾得天真

題吳通微主人

食貧無盡日有願幾時諧  
長嘯秋光晚誰知志士懷  
朝烟不起竈寒葉欲連階  
飲水仍留我孤燈點夜齋

九日閒居寄登高數子

初服棲窮巷重遊憶舊遊  
門閒謝病日心醉授衣秋  
酒

金少卿八言  
卷六  
盡寒花笑庭空暝雀愁今朝落帽客幾處管絃留

劉長卿

長門怨

何事長門閉珠簾只自垂月移深殿早春向後宮遲蔥  
草生閒地梨花發舊枝芳菲似恩幸看却被風吹

湘妃廟

荒祠古木暗寂寂北江漬未作湘南雨知為何處雲苔  
痕斷珠履草色帶羅裙莫唱迎仙曲羈臣不可聞

過桃花夫人廟

即思夫人

寂寞應千載桃花想一枝  
路人看古木江月向空祠  
雲雨飛何處山川是舊時  
獨憐春草色猶似憶佳期

移使鄂州次峴陽館懷舊居

多慙恩未報敢問路何長  
萬里通秋鴈千峯共夕陽  
舊遊成遠道此去更迷鄉  
草露空山裏朝朝滿客裳

鄂渚聽杜別駕彈胡琴

文姬留此曲千載一知音  
不解胡兒語空愁楚客心  
聲



隨邊草動意入隴雲深何事長江上蕭蕭出塞吟

登思禪寺上方經脩竹茂林

上方幽且暮臺殿隱朦朧遠磬秋山裏清猗古木中衆  
溪連竹路諸嶺共松風儻許棲林下甘成白首翁

過隱空和尚故居

自從飛錫去人到沃州稀林下期何在山中春獨歸踏  
花尋舊徑映竹掩空扉寥落東風上猶堪靜者稀

秋夜北山精舍觀禮如師梵

焚香奏仙唄向夕過空山清切兼秋遠威儀對月閒靜  
分巖響答散逐海還潮幸得風吹去隨人到世間

宿北山於禪寺

上方鳴夕磬林下一僧還密行傳人少禪心對虎閒青  
松臨古路白日滿寒山舊識牕前桂經霜更待攀

集梁耿開元寺所居院

到君幽卧處為我掃莓苔花雨無時落松風終日來路  
經深竹過門向遠山開豈得長高枕中朝正用才

韋應物

月夜會徐十一草堂

空齋無一事岸幘故人期  
暫輟觀書夜還題翫月詩  
遠鐘高枕後清露捲簾時  
暗覺新秋近殘河欲曙遲

移府候曉呈兩縣僚友

趨府不遑安中宵出戶看  
滿天星尚在近壁燭仍殘  
立馬頻驚曙垂簾却避寒  
可憐同宦者應悟下流難

送宣城路錄事

江上宣城郡孤舟遠到時  
雲林謝家宅山水敬亭祠  
網紀多閒日觀遊得賦詩  
都門且盡醉此別數年期

送李二歸楚州

時李季弟牧楚州被訟赴急

情人南楚別復詠在原詩  
忽此嗟岐路還令泣素絲  
風波朝夕達音信往來遲  
好去扁舟客青雲何處期

送張侍御祕書江左覲省

莫歎都門路歸無駟馬車  
繡衣猶在篋芸閣已觀書  
沃野收紅稻長江釣白魚  
晨食亦可薦名利欲何如

送顏司議使蜀訪圖書

輶駕一封急蜀門，千嶺曠詎分江轉。  
字但見路緣雲山館，夜聽雨秋猿獨叫。  
羣無爲久留滯，聖主待遺文。

任洛陽丞答前長安田少府問

相逢且對酒，相問欲何如。  
數歲猶卑吏，家人笑著書。  
告歸今未得，榮宦又知疎。  
日日生春草，空令憶舊居。

淮上遇洛陽李主簿

結茅臨古渡，卧見長淮流。  
牕裏人將老，門前樹已秋。  
寒

山獨過鴈暮雨遠來舟日夕逢歸客那能忘舊遊

皇甫冉

溫湯即事

天仗星辰轉霜冬景氣和樹含溫液潤山入繚垣多承  
相金錢賜平陽玉輦過魯儒求一謁無路獨何如

送榮別駕赴華州

直到三峯下應無累日程高車入郡舍流水出關城草  
色田家迴槐陰府吏迎還將海沂咏籍甚漢公卿

送常大夫加散騎常侍赴朔方

故壘烟霞後新軍河塞間  
金貂寵漢將玉節度蕭關  
漫沙平雪依稀漢口山人知  
賓車騎計日勒銘還

送柳八員外赴江西

岐路多無極長江九派分  
行人隨旅鴈楚樹入湘雲  
久在征南役何殊薊北勲  
離心不可問歲暮雪紛紛

送蕭獻士

惆悵烟郊晚依然此送君  
長河隔旅夢浮客伴孤雲  
洪

上春山直黎陽大道分西陵儻一弔應有士衡文

同李司直諸公暑夜館南徐

何處多明月津庭暑夜深烟霞不可望雲樹更沈沈好在吳中隱仍為洛下吟微官朝復夕牽強亦何心

贈普門上人

支公身欲老長在沃州多慧力堪傳教禪功久伏魔山雲隨坐處江草伴頭陀借問迴心後賢愚去幾何

同樊潤州遊郡東山



北固多陳迹東山復盛遊  
鐃聲發大道草色引行騶  
此地何時有長江自古流  
頻隨公府步南客寄徐州

皇甫曾

送普門上人還陽羨

花宮難久別道者憶千燈  
殘雪入林路暮山歸寺僧  
日光依嫩草泉響滴春冰  
何用求方便看心是上乘

寄張衆甫

悲風生舊浦雲嶺隔東田  
伏臘同雞黍柴門閉雪天  
孤

村明夜火稚子候歸船靜者心相憶離居畏度年

送歸中丞使新羅

南憲銜恩去東夷汎海行天遙辭上國水盡到孤城已  
變矣涼氣仍愁浩淼程雲濤不可極來往見雙旌

釋皎然

隴頭吟

秦嶺隴氏羌征人去未央如何幽咽水併欲斷君腸西  
注悲窮漢東分憶故鄉旅魂聲攪亂無夢到遼陽

春日陪顏使君真卿皇甫曾西亭重會韻海諸  
生

為重南臺客朝朝會魯儒  
暄風衆木變清影片雲孤  
峯翠飄簷下溪光照座隅  
不將簪艾隔知與道情俱

夏日集裴錄事北亭避暑

前林夏雨歇為我生涼風  
一室煩暑外衆山清影中  
忘歸親野水適性許雲鴻  
蕭散都曹吏還將靜者同

遊溪待月

溪色思汎月沿洄欲未歸殘燈逢水店踈磬憶山扉夜  
浦魚驚少空林鵲遶柿可中纔望見撩亂擣寒衣

經仙人渚卽沈山下古人沈羲白日昇仙處

日月人間短何時此得仙古山春已盡遺渚事空傳不  
見騰雲駕徒聞洗藥泉如今成逝水翻使恨流年

題鄭客江畔桐齋

客齋開別住坐占綠江濱流水非外物閒雲長屬君浮  
榮未可累曠達若為羣風起高桐下清絃日日聞

秋宵書事寄吳憑處士

真性在方丈寂寥無四鄰  
秋天月色正清夜道心真  
大夢觀前事浮名誤此身  
不知庭樹意榮落感何人

送沈居士還太原

辭鄉因世難家族盛南朝  
名重郊居賦才高獨酌謠  
浪花飄一葉峯色向三條  
高逸雖成性弓旌肯忘招

宿吳匡山破寺

雙峯百戰後真界滿塵埃  
蔓草緣空壁悲風起故臺  
野

花間更發山月暝還來何事池中水東流獨不回

寒食日集報德事解公房

欲問章陵寺支公住幾年  
亂山春靄裏微逕古松邊  
寂傳燈地寥寥禁火天  
世人多暗室白日為誰懸

奉同盧使君幼平遊精舍寺

影剎西方在虛空翠色分  
人天霧後見猿鳥定中聞  
真界隱清壁春山凌白雲  
今朝石門會千古仰斯文

題報德寺清幽上人西峯寺即陳文帝故鄉

陳世凋亡後仁祠識舊山帝鄉喬木在空見白雲遂雙  
塔寒林外三陵暮雨間此中雖戰勝君獨起禪關

遙和塵外上人與陸澧夜集山寺問涅槃義兼

賞陸生文卷

上人自號北山子

共是竹林賢

孫綽僧史以七人配德裕阮號竹林七賢

心從貝葉傳說經看

月喻開卷愛珠連清淨遙城外蕭條古塔邊應隨北山

子高頂枕雲眠

送劉司法之越州

蕭蕭鳴夜角驅馬背城濠雨後寒流急秋來朔吹高三  
山期望海八月欲觀濤幾日西陵路應逢謝法曹

送嚴明府入關謁黎京兆

春日異秋風何為怨別同潮迴芳渚沒花落畫山空旅  
候聞嘶馬殘陽望斷鴻應思京內史相見直城中

送陸判官歸杭州

芳草潛州路乘輶憶再旋餘花古林下殘月舊池邊峯  
色雲端寺潮聲海上天明朝富春渚應見謝公船



峴山送裴秀才赴舉

漢家招秀士峴上送君行  
萬里見秋色兩河傷別情  
王師出西鎬虜寇避東平  
天府登名後迴看楚水清

釋靈一

酬陳明府舟中見贈

長溪通夜靜素舸與人閒  
月影沈秋水風聲落暮山  
稻花千頃外蓮葉兩河間  
陶令多真意相思一解顏

再還宜豐寺

再尋招隱地重會宿心期  
樵客問歸日山僧記別時  
野雲陰遠甸秋水漲前池  
勿謂探形勝吾今不好竒

自大林與韓明府歸郭中精舍作

野客同舟楫相攜復一歸  
孤雲生暮景遠岫帶春暉  
不道還山是誰云向郭非  
禪門有通隱喧寂共忘機

釋法振

送常大夫赴朔方

關山今不掩軍候鳥先知  
大漠嫖姚入烏孫部曲隨  
高

旌天外駐寒角月中吹歸到長安第花應再滿枝

嚴維

贈萬經

萬公長慢世昨日又隲官縱酒真彭澤論詩得建安家  
山伯禹穴別墅小長干輒有時人至牕前白眼看

秋夜船行

扁舟時屬暝月上有餘輝海燕秋還去漁人夜不歸中  
流何寂寂孤棹也依依一點前村火誰家未掩扉

耿偉

出塞

漢家邊事重  
竇憲出臨戎  
絕漠秋山在  
陽關舊路通  
列營依茂草  
吹角向高風  
更就燕然石  
看銘破虜功

遊鍾山紫芝觀

繫舟仙宅下  
清磬落春風  
雨過芝田長  
雲深樂徑重  
古房青磴接  
虛殿紫烟濃  
鶴駕何時去  
遊人自不逢

詣順公問道

此身知是妄遠遠請支公何法住持後能逃生死中秋  
苔經古徑籜葉滿踈叢方便如聞謗南宗與北宗

新蟬

今朝蟬忽鳴遷客若為情便覺一年謝能令萬感生微  
風方滿樹落日欲沈城為問同懷者淒涼聽幾聲

雨中宿義興寺

遙夜宿東林蟲聲潛草深高風初落葉多雨未歸心家  
國身猶負星霜鬢已侵滄洲縱不去何處有知音

送王秘書歸江東

迴首望知音，逶遲桑柘林。  
人歸海郡遠，路入雨天深。  
萬木經秋葉，孤舟向暮心。  
唯餘江畔草，應見白頭林。

送胡校書秩滿歸河中

古樹汾陰道，悠悠東去長。  
位卑仍解印，身老又還鄉。  
河水平秋岸，關門向夕陽。  
音書須數寄，莫學晉嵇康。

璿公房懷舊

遠公傳教畢，身沒向他方。  
弔客來何見，門人閉影堂。  
紗

燈臨古砌塵札在空牀寂寞疏鐘後秋天有夕陽

李端

題從叔沆林園

阮宅閒園暮牕中見樹陰樵歌依遠草僧語過長林  
鳴啖花間曲人彈竹裏琴自嫌身未老已有住山心

送少微上人入蜀

削髮本求道何方不是歸松風開法席江月濯禪衣  
飛閣蟬鳴早漫天容過柿戴顓常執筆不覺此身非

雨後輞川

驟雨歸山盡，頽陽入輞川。  
看虹登晚墅，踏石過春泉。  
紫葛藏仙井，黃花出野田。  
自知無去路，迴步就人烟。

同皇甫侍御題惟一上人房

焚香居一室，盡日見空林。  
得道輕年暮，安禪愛夜深。  
東西皆是夢，存沒豈關心。  
唯羨諸童子，持經在竹陰。

同裴員外宿薦福寺僧舍

潘安秋興動，涼夜宿僧房。  
倚杖雲離月，垂簾竹有霜。  
迴



風生遠遯落葉颿長廊一與交親會空貽別後傷

送客往湘江

識君年已老孤棹向瀟湘素髮臨高鏡清晨入遠鄉三  
山分夏口五兩映潯陽更逐巴東客南行淚幾行

送友人遊蜀

嘉陵天氣好百里見雙流帆影緣巴字鐘聲出漢州綠  
原春草晚青木暮猿愁正是風流地遊人易白頭

送友人遊江東

江上花開盡南行少見春鳥聲悲古木雲影入通津返  
景斜連草迴潮暗動蘋謝公今在郡應喜得詩人

送樂平苗明府

本自求彭澤誰云道里賒山從古壁斷江向弋陽斜暮  
色隨楓樹陰雲暗荻花諸侯舊調鼎應重宰臣家

韓翃

送張儋水路歸北海

千里東歸客孤心憶舊遊片帆依白水高枕卧青州栢

寢寒蕪變梧臺宿雨収知君心興遠每上海邊樓

送李侍御起徐州行營

少年兼柱史東至舊徐州遠屬平津閣前驅博望侯向  
營淮月滿吹角楚天秋客夢依依處寒山對白樓

李中丞宅夜宴送丘侍御赴江東便往辰州

積雪臨堦夜重裘對酒時中丞違沈約才子送丘遲一  
路三江上派舟萬里期辰州佳興在他日寄新詩

送李侍御歸宣州使幕

春草東江外翩翩北路歸  
官齋魏公子身逐謝玄暉  
山色隨行騎鶯聲傍客衣  
主人池上酌攜手暮花飛

送田倉曹汴州覲親

拜慶承天寵朝來辭漢宮  
玉杯分湛露金勒借追風  
古驛秋山下平蕪暮雨中  
翩翩魏公子人看度關東

奉和元相公家園即事寄王相公

共列中台貴能齊物外心  
迴車青閣晚解帶碧茸深  
寒水分畦入晴花度竹尋  
題詩更相應一字重千金

盧綸

題雲際寺上方

松高蘿蔓輕中有石牀平下界水長急上方燈自明空  
門不易啟初地本無程迴步忽山盡萬緣從此生

同崔峒慈恩寺避暑

寺涼高樹合臥石綠雲中伴鶴慙仙侶依僧學老翁魚  
沈荷葉露鳥散竹林風始悟塵居者應將火宅同

春陪李庶子遵善寺東院曉望

映竹水田分當山起鴈羣陽峯高對寺陰井下通雲雲  
盡唯逢鶴花時此見君由來禪誦地多有謝公文

寄司空曙

壯志隨年盡謀身獨未安艱危交契絕老大別離難臘  
近晴多暖春遲夜却寒誰憐少兄弟五十未為官

送顏推官遊銀夏謁韓大夫

叢篁叫寒笛滿眼寒山青才子樽前盡將軍石上銘獵  
聲雲外響戰血雨中腥苦樂從來事因君一涕零

欽定四庫全書

唐詩紀事  
卷六

送元昱尉義興

欲成雲海別一夜夢天涯  
白浪緣江雨青山遶縣花  
風標當劇部冠帶稱儒家  
去矣謝親愛知余髮已華

送永陽崔明府

鶴唳兼葭曉中流見楚城  
浪清風乍息山白月猶明  
廢路開荒木歸人種古營  
懸聞正訛俗邠曼最知名

送寧國夏侯丞

楚國青無上秋雲似白波  
五湖長路少九派斷山多  
謝

守通詩宴陶公許醉過憮然餞離阻年鬢兩蹉跎

崔峒

宿禪智寺上方演大師院

石林高幾許金刹在中峯白日空山梵清霜後夜鐘竹  
牕迴翠壁苔徑入寒松幸接無生法疑心怯所從

題空上人石室

早晚悟無生頭陀不到城雲山知夏臘猿鳥見脩行地  
僻無溪路人尋逐水聲年年深谷裏誰識遠公名



登將山開善寺

山殿秋雲裏香煙出翠微  
客尋朝磬至僧背夕陽歸  
下界十門見前朝萬事非  
看心兼送目葭菼暮依依

送李道士歸山

秋城臨古路城上望君還  
曠野入寒草獨行隨遠山  
授人鴻寶內將犬白雲間  
早晚燒丹罷遙知冰雪顏

郎士元

送彭偃房由赴朝因寄錢大郎中季十七舍人

衰病已經年西峰望楚天風光欺鬢髮秋色換山川寂  
寞浮雲外支離漢水邊平生故人遠君去話潸然

送李遂之越

未習風波事初為東越遊露湖草晚月照海山秋梅  
市門何處蘭亭水尚流西興待潮信落日滿孤舟

送錢拾遺歸兼寄劉校書

墟落歲陰暮桑榆烟景昏蟬聲靜空館雨色隔秋原歸  
客不可望悠然林外村終當報芸閣攜手醉柴門

司空曙

望水

高原晴見水，楚色藹相和。  
野極空如雪，天遙不辨波。  
永無人跡到，獨有鳥聲過。  
況在蒼茫外，殘陽照更多。

宿青龍寺故曇上人院

年深宮院在，舊客自相逢。  
閉戶臨寒竹，無人有夜鐘。  
降龍今已去，巢鶴竟何從。  
坐見繁星曉，淒涼識舊峰。

苗發

送司空曙之蘇州

盤門吳雉地蟬盡早秋時歸國人皆久移家君獨遲廣  
陵經水宿建業有僧期若到棲霞寺應看江總碑

蔣渙

登栖霞寺

三休尋磴道九折步雲霓  
瀾澗臨江北郊原極海西  
沙平瓜步出樹遠綠楊低  
南指晴天外青峯是會稽

途次維揚望京口寄白下諸公

北望情何限南行路轉深晚帆低荻葉寒日下楓林雲  
白蘭陵渚煙青建業岑江天秋向盡無處不傷心

包何

和益虔州閒居即事

古郡鄰江嶺公庭半薜蘿府寮閒不出山鳥靜偏過  
睨臨花柳闌干枕菱荷麥秋今已至君聽兩岐歌

包佶

同李吏部伏日口號呈元庶子路中丞

火炎逢六月金伏過三庚幾度衣裳澣誰家枕簟清頌  
冰無下位裁扇有高名吏部還開甕殷勤二客情

林珣

送安養閻主簿還竹寺

分手怨河梁南征歷漢陽江山追宋玉雲雨夢襄王醉  
裏宜城近歌中郢路長更尋栖枳處猶是念仇香

張萬頃

送裴明府

夕膳望東周晨裝不少留酒中同樂事關外起離憂座  
濕秦山雨庭寒渭水秋何當鷹隼擊來拂古林遊

魏兼恕

送張兵曹赴營田

河曲今無戰王師每務農選才當重委足食乃深功草  
色孤城外雲山絕漠中蕭關休歎別歸望在乘驄

周瑀

送潘三入京

故人嗟此別相送出烟垌柳色分官路荷香入水亭離  
歌未盡曲酌酒共忘形把手河橋上孤山日暮青

王烈

酬崔峒

徇世甘長往逢時忝一官欲朝青瑣去差向白雲看榮  
寵無心易艱危抗節難思君寫懷抱非敢和幽蘭

顧況

鄱陽大雲寺一公房



盡日陪游處斜暉竹院清定中觀有漏言下證無生色  
界聊傳法空門不用情欲知相去近鐘鼓兩三聲

戎昱

塞下曲

北風凋白草胡馬日駸駸夜後戍樓月秋來邊將心鐵  
衣霜雪重戰馬歲年深自有盧龍塞烟塵飛至今

送嚴十五之長安

送客身為客思家愴別家暫收雙眼淚遙想五陵花路

遠征車迴山迴劍閣斜長安君到日春色未應賒

成都送嚴十五之江東

江都萬里外別後幾悽悽峽路花應發津亭柳正齊  
酒傾遲日暮川濶遠天低心繫征帆上隨君到剡溪

張南史

殷卿宅夜宴

日暗城烏宿天寒樾馬嘶詞人留上客妓女出中閨  
積雪連燈照回廊映竹迷太常今夜宴誰不醉如泥

送鄭錄事赴太原

歎息不相見紅顏今白頭  
重為西候別方起北風愁  
六月胡天冷雙城汾水流  
盧諶即故吏還復向并州

送李侍御入茅山採藥

苦縣家風在茅山道錄傳  
聊停驄馬使却就紫陽仙  
江海生岐路雲霞入洞天  
莫令千歲鶴飛到草堂前

朱灣

假攝池州留別東溪隱居

一官仍是假豈願數離羣  
愁鬢看如雪浮名認是雲  
暫辭南國隱莫動北山文  
今夜松溪月還應夢見君

冷朝陽

同張深秀才遊華嚴寺

同遊雲外寺渡水入禪關  
立掃牕前石坐看池上山  
有僧飛錫到留客話松間  
不是緣名利好來長伴閒

宿栢巖寺

幽寺在巖中行唯一逕  
通客吟孤嶠月蟬噪數枝風  
秋

色生苔砌泉聲入梵宮  
吾師脩道處不與世間同

于鵠

題宇文喬山寺讀書院

讀書林下寺不出動經年  
草閣連僧院山厨共石泉  
雪庭無履跡龕壁有燈烟  
年少今頭白刪詩到幾篇

溫泉僧房

雲裏前朝寺脩行獨幾年  
山村無施食盥漱亦安禪  
古塔巢溪鳥深房閉谷泉  
自言曾入室知處梵王天

陳潤

賦得池塘生春草

謝公遺詠處池水夾通津  
古往人何在年來草自春  
色宜波際綠香愛雨中新  
今日青青意空悲行路人

登西靈塔

塔廟出招提登臨碧海西  
不知人意遠漸覺鳥飛低  
稍與雲霞近如將日月齊  
遷喬未得意徒欲躡雲梯

楊衡

題山寺

千峯白露後雲壁掛殘燈曙色海邊日經聲松下僧意  
閒門不閉年去水空澄稽首如何問林羅盡一乘

劉商

題山寺

扁舟水

林林

曲岸復長塘古寺春山上登樓憶故鄉雲

烟橫極浦花木擁迴廊更有思歸意晴明陟上方

題廢禪居寺

凋殘精舍在連步訪緇衣古殿門空掩楊花雪亂飛鶴  
巢松影薄僧少磬聲稀青眼能留客疎鐘逼夜歸

送林衮侍御東歸秩滿赴上都

幾年烏府內何處逐鳬歸關吏迷驄馬銅章累繡衣野  
人山草綠客路柳花飛況復長安遠音書從此稀

送李元規昆季赴舉

見誦甘泉賦心期折桂歸鳳雛皆五色鴻漸又雙飛別  
思看衰柳秋風動客衣明朝問禮處暫覺鴈行稀



戴叔倫

長門怨

自憶專房寵曾居，  
第一流移恩向何處？  
暫妬不容收夜靜，  
管絃絕月明宮殿。  
秋空將舊時意，  
長望鳳凰樓。

潭州使院書情寄江夏賀蘭副端

雲雨一蕭散，  
悠悠關復河。  
俱從汎舟役，  
近隔洞庭波。  
春水去不盡，  
秋風今又過。  
無因得相見，  
却恨寄書多。

留別宋處士

留歡方繼燭此會豈他人鄉里遊從舊兒童內外親夜  
深愁不醉老去別何頻莫折園中柳相看惜暮春

送李審之桂州謁中丞叔

知音不可遇才子向天涯  
遠水下山急孤舟上路賒  
亂雲收暮雨雜樹落秋花  
到日應文會風流勝阮家

送李明府之任

身為百里長家寵五諸侯  
含笑聽猿狖搖鞭望斗牛  
梅花堪比雪芳草不知愁  
別後南風起相思夢嶺頭

送崔拾遺峒江淮訪圖書

九重辭諫諍萬里採風謠關外逢秋月天涯過晚潮鴈  
來雲杳杳木落浦蕭蕭空怨他鄉別迴舟暮寂寥

已上係中唐之詩

劉長卿

送南特進赴歸行營

聞道軍書至揚鞭不問家虜雲連白草漢月到黃沙汗  
馬河源飲燒羌隴坻遮翩翩新結束去逐李輕車

錢起

送夏侯審校書東歸

楚鄉飛鳥沒，獨與碧雲還。  
破鏡催歸客，殘陽見舊山。  
詩成流水上，夢盡落花間。  
儻寄相思字，愁人定解顏。

秋夕與梁鋁文宴

客到衡門下，林香蕙草時。  
好風能自至，明月不須期。  
秋葉翻荷影，晴光脆柳枝。  
留懽美清夜，寧覺曉鐘遲。

李端

送新城戴叔倫

遙想隋堤路  
春天楚國晴  
白雲當海斷  
青草隔淮生  
鴈起斜還直  
潮回遠復平  
萊蕪不可到  
一醉送君行

耿偉

送故人

因君知此事  
流浪已忘機  
久客多人識  
高年衆病歸  
連雲湖色遠  
度雪鴈聲稀  
又說家林盡  
悽傷淚滿衣

李嘉祐

九日

惆悵重陽日空山野菊新兼葭百戰地江海十年人歎  
老看衰柳傷秋對白蘋孤樓聞夕磬塘路向城闌

送王牧

細草綠汀洲王孫耐薄遊年華初冠帶文采舊弓裘野  
渡花爭發春塘水亂流使君憐小阮應念倚門愁

韓翃

送郭贊府

駿馬淮南客歸時引望新江聲六合暮楚色萬家春白  
紵歌西曲黃苞寄北人不知心賞夜早晚見行塵

已上原係摘句今增入全詩



唐詩拾遺卷六

欽定四庫全書

集部

唐詩拾遺卷

七至十

詳校官檢討

臣

德生

助教

臣

常循履勘

總校官進士

臣

朱

鈐

校對官編修

臣

勵守謙

謄錄監生

臣

薛夢陽



欽定四庫全書

唐詩拾遺卷七

明 高棟 編

五言律詩 下

權德輿

送謝孝廉移家越州

家承晉大傅身慕魯諸生  
又見一帆去共愁千里程  
沙平煙樹迥潮滿曉江晴  
從此幽深去無妨隱姓名

送鄭秀才貢舉

西笑意如何知隨貢士科吟詩向月露驅馬出煙蘿晚  
色寒蕪遠秋聲候鴈多自憐歸未得相送一勞歌

周平西墓

英威今寂寞陳迹對崇丘壯志清風在荒墳白日愁窮  
泉那復曉喬木不知秋歲歲寒塘側無人水自流

蘇小小墓

萬木荒墳在悠然我獨尋寂寥紅粉盡冥漠黃泉深蔓

草映寒水空郊暖夕陰風流有佳句吟眺一傷心

武元衡

西川使宅有韋太尉時孔雀存焉暇日因與諸  
公同翫座中兼故府賓御興歎者久之因賦是  
詩用廣其意

荀令昔居此故巢留越禽動搖金翠尾飛舞玉墀陰上  
客撤瑤瑟美人傷蕙心會因南國使歸放海雲深

送太常十二兄罷冊南詔却赴上都

鄉路自茲始征軒行復留張騫隨漢節王濬守刀州澤  
國煙花度銅梁霧雨愁別離無可奈萬恨錦江流

送李正字歸蜀

已獻甘泉賦仍登片玉科漢官新組綬蜀國舊煙蘿劍  
壁秋雲斷巴江夜月多無窮別離思遙寄竹枝歌

楊巨源

題廢禪居寺

舊寺長桐孫朝天是聖恩謝公詩更老蕭傅道方尊白

法知深得蒼生更重論  
若為將此望心地向空門

春日與劉評事過故澄上人院

曾共劉諮議同時事  
道林與君方掩淚來客是知心  
塔雪凌春積鐘烟向夕深  
依然舊童子相送出花陰

池上竹

一叢嬋娟色四面清冷波  
氣潤曉烟重光閒秋露多  
翠筠入疎柳清影拂圓荷  
歲晏琅玕實心期有鳳過

和權相公南園閒步寄廣宣上人

浩氣抱天和閒園載酒過步因秋景曠心向晚雲多翠  
玉思迴鳳玄珠肯在鵝門師登幾地空性奈詩何

釋廣宣

早秋降誕日獻壽應制

秋萱開七葉元聖誕千年繞殿祥風起當空瑞日懸道  
光中國主人識大羅仙敢贊無疆壽香花上法筵

駕幸天長寺應制

天界宜春賞禪門不掩關宸遊雙闕外僧引百花間車

馬喧長路烟雲靜  
遠山觀空復觀俗  
皇鑒此中閒

劉禹錫

奉送家兄歸王屋山隱

王屋山一名陽洛山

陽洛天壇上依稀似玉京  
夜分先見日月靜忽聞笙雲  
路將雞犬丹臺有姓名  
古來成道者兄弟亦同行

送趙中丞自司金郎轉官參山南令狐僕射幕

府

趙氏兄弟皆僕射門客

綠樹滿褒斜西南蜀道賒  
驛門臨白草縣道入黃花  
相

府開油幕門生逐絳紗行看布政後還從入京華

韓愈

送李員外院長分司東都

去年秋露下羈旅逐東征今歲春光動驅馳別上京  
飲中相顧色送後獨歸情兩地無千里因風數寄聲

大行皇太后挽歌詞

一紀尊名正三時孝養榮高居朝聖主厚德載羣生  
武帳虛中禁玄堂掩太平秋天笳鼓歇松栢徧山鳴



張籍

雪谿西亭晚望

雪水碧悠悠西亭柳  
岫頭夕陰生遠岫斜照  
逐迴流此地動歸思  
逢人方倦遊吳興耆舊  
盡空見白蘋洲

登咸陽北寺樓

高秋原上寺下馬一登  
臨渭水西來直秦山南  
向深舊宮人不見荒碣  
路難尋日暮涼風起蕭  
條多遠心

李賀

追賦畫江潭苑

十騎簇芙蓉宮衣小隊紅練香燠宋鵲尋箭踏盧龍旗  
濕金鈴重霜乾玉鐙空今朝畫眉早不待景陽鐘

答贈

本作張公子曾名萼綠華沈香燠小像楊柳伴啼鴉露  
重金泥冷盃闌玉樹斜琴堂沽酒客新買後園花

王良士

奉陪相公西亭夜宴陸郎中

芳氣龍猗蘭青雲展舊歡仙來紅燭下花發綵毫端  
海嶽期方遠松筠歲正寒仍聞贈言處一字重琅玕

呂溫

送文暢上人東遊

隨緣聊振錫高步出東城水止無恒地雲行不計程  
到時為彼岸過處即前生今日臨岐別吾徒自有情

白居易

江樓望歸時避難越中

滿眼雲水色月明樓上人旅愁春入越鄉夢夜歸秦道  
路通荒服田園隔虜塵悠悠滄海畔十載避黃巾

顧非熊

送僧歸洞庭

江山萬萬重歸去指何峯未入連雲寺先齋越浪鐘  
磬迴棧栢秋蔭出庵松若救吳人病須降震澤龍

張祐

送徐彥夫南遷

萬里客南遷孤城漲海邊  
瘴雲秋不斷陰火夜長然  
月上行墟市風迴望船舶  
知君還自潔更為酌貪泉

洞房燕

清曉洞房開佳人喜燕來乍疑釵上動輕似掌中回  
暗語臨牕戶深窺傍鏡臺粧成正含思莫拂畫梁間

真娘墓

在虎丘西寺內

佛地葵羅衣孤雲此是歸舞為蝴蝶夢歌謝伯勞飛翠  
髮朝雲斷青蛾夜月微傷心一花落無復戀春暉

題蘇小小墓

漠漠窮塵地蕭蕭古樹林  
臉濃花自發眉恨柳長深  
夜月人何待春風鳥為吟  
不知誰共穴徒願結同心

朱慶餘

送僧還太原謁李司空

已共鄰房別應無更佳心中時  
過野店後夜宿寒林寺  
去人煙遠城連塞雪深禪餘得  
新句堪對上公吟

送韋校書赴靈州幕

共知行處樂猶惜此時分職已為書記官曾校典墳寒  
城初落葉高樹遠生雲邊事何須問深謀祇在君

賈島

寄宋州田中丞

古郡近南徐關河萬里餘相思深夜後未答去秋書自別  
知音少難忘識面初舊山期已久門掩數畦蔬

送李騎曹

歸騎雙旌遠懼生此別中蕭關分磧路嘶馬背寒鴻朔

色晴天北河源落日東賀蘭山頂草時動卷帆風

送耿處士

一瓶離別酒未盡即言行萬里千山路孤舟幾日程川  
原秋色靜蘆葦晚風鳴迢遶不歸客人傳虛隱名

周賀

送僧歸靈夏

南遊多老病見說講經稀塞寺幾僧在邊城空月歸帶  
河衰草斷映月早沙飛却到禪齋後邊軍識衲衣



送淮陰縣令

隨堤楊柳烟孤棹正悠然  
蕭寺通淮戍蕪城枕楚田  
魚鹽橋上市燈火雨中船  
故老青葭岸先知宓子賢

釋無可

送人罷舉東遊

東堂今已負復此遠行難  
兼雨風聲過連天草色乾  
鴻嘶荒壘閉兵燒廣川寒  
若向龍門宿懸知拭淚看

送沅江宋明府

即開府  
璟之孫

初聞從事日鄂渚動芳菲一遂鈞衡薦今為長吏歸人  
臨沅水望鴈映楚山飛唯有傳聲政家風重發揮

送宜春裴明府

是將軍  
是之子

垂白方為縣從知大父雄山春南去棹楚夜北飛鴻疊  
嶂和雲滅孤城與嶺通誰知持惠化一境動清風

夏日送崔秀才

南方山水地念子為貧遊縱是逢佳境那能緩旅愁夕  
陽行遠道煩暑在孤舟莫向巴江過猿聲但淚流

冬夜寄僧

斂屨入寒竹安禪過漏聲高杉殘子落深井凍痕生罷  
磬風枝動懸燈雪屋明何當招我宿乘月上方行

送顯法師還太原兼謁李司空

近臘辭精舍并州謁上公路長山忽近塞廣雪無窮講  
席開晴疊禪衣涉遠風聞經諸弟子應滿北門中

送覺法師往中條舊隱

夜葉動飄飄寒來話數宵卷經歸物外轉雪下山椒舊

坐杉松大難行水石遙元戎宗內學應就白雲招

許渾

示弟

自爾出門去淚痕長滿衣家貧為客早路遠得書稀  
文字何人賞煙波幾日歸秋風正搖落孤鴈又南飛

送李定言南遊

酒酣輕別恨酒醒復離憂遠水應移棹高峰更上樓  
簾涼清露夜琴響碧天秋重惜芳樽宴滿城無舊遊

行次潼關題驛後軒

飛閣極層臺終童此路回山形朝闕去河勢抱關來鴈  
過秋風急蟬鳴宿霧開平生無限意驅馬任塵埃

汎谿

疑與武陵通青谿碧嶂中水寒深見石松晚靜聞風遡  
跡驅雞吏冥心失馬翁纔應婚嫁畢從此息微躬

旅懷

征車何軋軋南北極天涯孤枕易為客遠書難到家鄉

連雲外寺城閉月中花猶有扁舟思前年別若耶

送客歸湘楚

無辭一杯酒昔日與君深秋色  
換歸鬢曙光生別心桂  
花山廟冷楓樹水樓陰  
此路千餘里應勞楚客吟

送韓校書

恨與前歡隔愁因此會同迹  
高芸閣吏名散雪樓翁城  
閉三秋雨帆飛一夜風  
酒醒鱸鰕美應在竟陵東

贈高處士

宅前雲水滿高興一書生垂釣有深意望山多遠情夜  
棊留客宿春酒勸僧傾未作干時計何人問姓名

天街曉望

明星低未央蓮闕迥蒼蒼疊鼓催殘月疎鐘迎早霜關  
防浮瑞氣官館耀神光再拜為君壽南山高且長

王秀才自越見訪不遇題詩而回因以酬寄

南齊知數宿半為木蘭開晴閣留詩遍春帆載酒回煙  
深揚子宅雲斷越王臺自有孤舟興無妨更一來

贈遷客

無機還得罪直道不傷情微雨昏山色疎籠閉鶴聲閒  
居多野客高枕見江城門外長溪水憐君又濯纓

旅中別姪暉

相見又南北中宵淚滿巾旅遊知世薄貧別覺情深歌  
管一樽酒山川萬里心此身多在路休誦異鄉吟

李商隱

崔處士



真人塞其內夫子入于機未肯投竿起惟歡負米歸雪  
中東郭履堂上老萊衣讀遍先賢傳如君事者稀

夜飲

卜夜容衰鬢開筵屬異方燭分歌扇淚雨送酒船香江  
海三年客乾坤百戰場誰能辭醕酹淹臥劇清漳

馬戴

楚江懷古二首

露氣寒光集微陽下楚丘猿啼洞庭樹人在木蘭舟廣

澤生明月蒼山夾亂流雲中君不降竟夕自悲秋  
野風吹蕙帶驟雨滴蘭橈屈宋魂冥冥江山思寂寥陰  
霓侵晚景海樹入迴潮欲折寒芳薦明神詎可招

宿翠微寺

處處松生滿樵間一徑通鳥歸霜磬盡僧語石樓空積  
翠含微月遙泉韻細風經行心不厭似在故山中

宿無可上人房

稀逢息心侶細話遠山期河漢秋生夜杉梧露滴時風

傳林磬久月掩草堂  
遲坐臥禪心在浮生  
皆不知

巴江夜猿

日飲巴江水還啼巴  
岸邊秋聲巫峽斷夜  
影楚雲連雪滴青楓  
樹山空明月天誰知  
泊帆者聽此不能眠

遠水

蕩漾空沙際虛明入  
遠天秋光照不極鳥  
色去無邊勢引長雲  
濶波凝片雪連汀洲  
杳難到萬古覆蒼煙

劉得仁

宣義池上

脩篁夾綠池，幽鳥此中飛。  
何必青山遠，仍將白髮催。  
當時亦有恨，是日總無機。  
樹起秋風細，西林磬入微。

趙嘏

虎丘寺贈魚處士

蘭若雲深處，前年客重過。  
巖空秋色動，水澗夕陽多。  
早負江湖志，今如鬢髮何。  
唯君閒勝我，釣艇在煙波。

送韋處士歸省朔方

映柳見行色故山當落暉青雲知己沒白首一身歸滿  
袖蕭關雨連沙塞雁飛到家翻有喜借得老萊衣

項斯

遠水

渺渺浸天色一邊生晚涼澗含萍勢遠寒入鴈愁長北  
極連平地南流接故鄉扁舟當宿處彷彿似瀟湘

溫庭筠

登盧氏臺

勝地當通邑前山有故居臺高秋盡出林斷野無餘白露鳴蛩急晴天度鴈疎由來放懷地非獨在吾廬

宿秦生山齋

衡巫路不同結室在東峰歲晚得支遁夜寒逢戴顓龕燈落葉寺山雪隔林鐘行李無由發曹谿欲施春

和友人磐石寺逢舊

楚寺上方宿滿堂皆舊遊月谿逢遠客烟浪有孤舟江館白蘋夜水闌紅葉秋西風吹暮雨汀草更堪愁

月中雲居寺上方

虛閣披衣坐空階踏葉行衆星中夜少圓月上方明露  
盡無林色喧餘有澗聲祇應愁恨事還逐曉光生

和段少常柯古

稱觴慙座客懷刺即門人素尚寧知貴清談不厭貧野  
梅江上晚堤柳雨中春未報淮南詔何勞問白蘋

李頻

送元遂上人

白衣遊帝鄉已得事空王却返湖山事高禪水月房雨  
中過嶽黑秋後宿船涼迴顧秦人語他生會上方

送僧之天台

一錫隨緣起天台又去登長亭舊別路落日獨行僧夜  
燒山何處秋帆浪幾層他時授巾拂莫道老無能

送胡處士歸湘南

見話荆湘切長懷有去時江湖秋涉遠風雨夜眠遲舊  
業多歸興空山盡老期天寒一瓢酒落日擬留誰



秋宿慈恩寺遂上人院

滿閣終南色  
清秋獨倚欄  
風高斜漢動  
葉下曲江寒  
帝里求名老  
空門見性難  
吾師無一事  
不似在長安

暮秋宿清源上人院

野客愁來日  
山房木落中  
微風生夜半  
積雨向秋終  
證道方離法  
安禪不住空  
迷途將覺路  
語默見西東

劉滄

早行

旅途乘早景策馬獨悵悵殘影郡樓月一聲闌樹雞聽  
鐘煙柳外問渡水雲西當自勉行役終期功業齊

皮日休

遊棲霞寺

不見明居士空山但寂寥白蓮吟次缺香靄坐來銷泉  
冷無三伏松枯有六朝何時石上月相對論逍遙

方干

早發洞庭

長天接廣澤二氣共含秋舉目無平地何心戀直鉤孤  
鐘鳴大岸片月落中流却憶鷗夷子當時此汎舟

送姚合負外赴金州

受詔從華省開旗發帝州野烟新驛曙殘照古山秋樹  
勢連巴沒江聲入楚流唯應化行後吟句上雲樓

送人之日本

蒼茫大荒外風教即難知連夜揚帆去經年到岸遲波  
濤吞左界星斗正東夷或有歸風便當為相見期

李昌符

邊行書事

朔野烟塵起天軍又舉戈陰風向晚急殺氣入秋多樹  
盡禽棲草冰堅路在河汾陽無繼者羌虜肯先和

周朴

塞上行

柳色正沈沈風吹秋更深山河空遠道鄉國自鳴砧卷  
有十家月人無萬里心長城哭崩後寂寞至如今

張喬

經宣城元員外山居

無人襲仙隱石室閉空山  
避燒猿猶到隨雲鶴不還  
澗荒巖影在橋斷樹陰閒  
但有黃河賦長留在世閒

經九華山費徵君故居

草堂蕪沒後來徃問樵翁  
斷石荒林外孤墳晚照中  
數雞分大野九子立寒空  
烟壁曾行處青雲路不通

題山僧院

谿路曾來日年多與舊同地寒松影裏僧老磬聲中遠  
水清風落閒雲別院通心源若無碍何必更論空

遊靈山寺

樹涼青島寺虛閣敞禪扉四面閒雲入中流獨鳥啼湖  
平幽徑近船泊夜香微一宿秋風裏烟波隔擣衣

遊歙州興唐寺

山橋通絕境到此憶天台竹裏尋幽徑雲邊上古臺鳥  
歸殘照出鏡斷細泉來為愛澄溪月因成隔宿迴

金山寺空上人院

已老金山頂無心上石橋講移三楚遍梵譯五天遙板  
閣禪秋月銅瓶汲夜潮自慚昏醉客來坐亦通宵

遊少華山甘露寺

少華中峯寺高秋衆景歸地連秦塞起河隔晉山微晚  
木禪相應涼天鴈並飛殷勤記巖石只恐再來稀

羅隱

韋曲杜處士新居

翠斂王孫草荒誅宋玉茅冠餘無故物時薄少深交迸  
荀侵行徑飢鳥出壞巢小園吾亦有多病近來拋

曹松

送胡中丞使日本

辭天理玉簪指日使雞林猶有中華戀方同積水深張  
帆度鯨口銜命見臣心渥澤遐宣後歸期抵萬金

送德光禪師

重禮石  
霜長老

天涯緣事了又造石霜微不以千峰嶮唯將獨影歸有



為嫌假佛無境是真機到後流沙錫何時更有飛

與胡汾坐月期貫休上人不至

掃庭秋露滴接話貴忘眠靜夜人相語低枝鳥暗遷  
屋圍南極定月照斷河連後會花宮子應開石上禪

喜友人歸上元別業

一檣千里外隱者興宜孤落日長邊海秋風滿故都  
掩關苔色老盤徑葉聲枯匡嶽來時過遲迴絕頂無

鄭谷

宿澄泉蘭若

山半古招提空林雪月迷亂流分石上斜漢在松西雲  
集寒菴宿猿先曉聲啼此心如了了祇此是曹溪

題莊嚴寺休公院

秋深庭色好紅葉間青松病客殊無著吾師甚見容疎  
鐘和細溜孤塔等遙峰未省求名侶頻于此地逢

李洞

冬日題覺公蘭若

天寒高木靜一磬隔川開鼎水看山汲臺香拂雪焚鵲  
歸遙認剎僧步不離雲石室開禪後輪珠謝聖明

張嬪

野泉

遠出白雲中長年聽不窮細聲縈石亂寒色入潭空掛  
壁聊成雨穿林別起風溫泉非爾類源發在深宮

韋莊

建昌渡暝吟

月照臨官渡鄉情獨浩然鳥棲彭蠡樹月上建昌船市  
散漁翁醉樓深賈客眠隔江何處笛吹斷綠楊煙

已上係晚唐之詩

許渾

送李別駕

琴清詩思勞更欲學龍韜王粲暫停筆呂虔初佩刀夜  
吟關月靜秋望塞雲高去去從軍樂鵬飛代馬豪

送韋明府

酒闌橫劍歌日暮望關河道直去官早家貧為客多山  
昏函谷雨木落洞庭波莫盡遠遊興故園荒薜蘿

雪上燕別

山斷水茫茫洛人西路長笙歌留遠棹風雨寄華堂紅  
壁耿秋燭翠簾凝曉香誰堪從此去雲樹滿陵陽

送從兄

名高猶素衣窮巷掩荆扉漸老故人少久貧豪客稀塞  
雲橫劍望山月抱琴歸幾日藍谿醉藤花拂釣磯

思德寺

樓臺橫復重，猶有半巖空。  
蘿洞淺深水，竹廊高下風。  
晴山疎雨後，秋樹斷雲中。  
未盡平生意，孤帆又向東。

別脩然上人

吳僧誦經罷，敗衲倚蒲團。  
鐘韻花猶歛，樓陰月向殘。  
晴山開殿翠，秋水卷簾寒。  
獨恨孤舟去，千灘復萬灘。

原上居

貧居樂遊北江海，思迢迢雪後書千卷。  
花時酒一瓢，獨

愁秦樹老孤夢楚山遙有路應相念風塵滿黑貂

登樟亭

鱸膾與蓴羹西風片席輕潮回孤島晚雲歛衆山晴丹  
羽下高閣黃花垂古城因秋倍多感鄉樹接咸京

李頻

和范鄴先輩話襄陽遊

聽說揚帆曲初從峴首還高吟入白浪遙坐出青山古  
木猿啼與空汀鶴立閒秋來南去夢幾夜過商關

淮南送人歸滄州

風色忽西轉，坐爲千里分。  
高帆背楚落，寒日逆淮曛。  
斷燒緣喬木，盤鵬隱片雲。  
鄉關百戰地，歸去始休軍。

送劉山人歸洞庭

却共歸雲去，高眠最上峰。  
半湖乘早月中路，入疎鐘。  
秋盡草蟲急，夜深山雨重。  
平生心未已，不得更相從。

已上原係摘句今增入全詩

唐詩拾遺卷七